

佛學叢刊第一輯之三十一

陽復齋詩偈集

世界書局印行

陽復齋詩偈集題辭

圓人受法。無法不圓。詩人作偈。頌無偈。頌不詩。蓋夙慧天然。非作意使之爾也。鄞縣前知事暉午江公。將易園居士所著之陽復齋詩偈集稿。託海上黃涵之居士轉寄示余。余閱之喜曰。是有所證悟者之言也。以有分別心。說無分別法。以有言之事。顯離言之道。示可思議之念佛法門。證不可思議之唯心淨土。導引文人。同趨極樂。其意盡善。用心甚苦也。且斯稿文辭高爽。句義絕塵。語語皆從大慈悲心中流出。如胡盧之落水。轉轉是面。類水銀之墮地。顆顆皆圓。體廣用深。事明理徹。啓迪人心。有裨世道者。夫豈小哉。以之而刊印流行。公諸同好。未始非利生之法。施勲。凡讀是集者。幸無以作世諦文字觀。庶幾不負易園居士之苦心吐膽語也。有志生淨土者。毋忽。欲重宣密意。而說偈言。佛經雖至珍。執著反爲障。我有大法王。不居文字藏。六處放光明。七佛大榜樣。聽之沒音聲。視之無形狀。時時說妙法。法法悉皆妄。妄。虛妄也。即不可得意。一句彌陀佛。作普度慈航。諦閑敬題。

陽復齋詩偈集緣起

詩偈譬醫藥。如丸散膏丹。易服且易效。不愁入口難。自病服之宜。他病當無異。輾轉善流通。不比文難記。是以孔門下。首教興於詩。佛說十二部。伽陀爲一支。有韻或無韻。亦詩亦非詩。志在達意義。不在攻文辭。志在啓歸

孺不在干舉司。知我當見可。罪我亦聽之。我生故無始。我名亦無邊。苦海一衆生。出沒塵沙年。淨業始戊午。冬至一陽申。自爾今十年。歲星加戊辰。西方極樂邦。無日不追尋。十年獨寤語。不作雕蟲吟。能語唯一心。所語唯一心。能所本非二。以心而印心。願人無量壽。願世成黃金。願枯生死海。願拔邪見林。豈唯茲十年。我願將無垠。廣舌覆十方。塵刹宏潮音。不厭復不倦。永劫以爲心。稽首阿彌陀。爲我保證人。

陽復齋詩偈集篇目

一淨土

二大乘

三融通

四讚頌

五題贈

六感託

七借陶白詩

陽復齋詩偈集

陽復齋居士江謙著

一 淨土

陽復齋念佛吟

我今何所學，學夫婦之愚。白法千聲佛，黃絲百八珠。念佛真無念，無生卽永生。娑婆與極樂，心目兩分明。我聞四十八，彌陀大願心。欲知此願大，天地猶微塵。呼亦阿彌陀，吸亦阿彌陀。不知他與自，誰我誰彌陀。無數名菩薩，彌陀膝下人。當年千子內，太子是觀音。大哉大勢至，念佛證圓通。六根歸一念，妙意開無窮。佛言經滅後，淨法百年留。最終留四字，苦海作慈舟。宿服陽明學，良知義最圓。不兼因果說，難與下根言。

全性念佛頌

我以無量光壽心，念茲無量光壽佛。是謂全性以起修，亦復全修在於性。心體無量佛亦爾，我心無量衆生然。全體作佛作衆生，心佛衆生三無別。大包十方徧三世，亦復細入一微塵。皆此一念無二三，法界不增塵不減。無始一念無明起，遂令一指遮須彌。因茲區局執著心，夢受輪迴生死苦。我以念佛破無明，無邊光壽還同佛。更假淨土優異力，速還圓滿清淨身。願施白法普含靈，同證自心無上覺。

念佛偈

行也阿彌陀、坐也阿彌陀、忙也阿彌陀、空也阿彌陀、呼也阿彌陀、吸也阿彌陀、喫也阿彌陀、著也阿彌陀、喜也阿彌陀、怒也阿彌陀、苦也阿彌陀、樂也阿彌陀、我也阿彌陀、人也阿彌陀、一切衆生類、皆是阿彌陀、從朝直到夜、不廢阿彌陀、從少直到老、不廢阿彌陀、千般萬般念、不如念彌陀、念念阿彌陀、蓮生七寶華、生時消業障、歸去見彌陀、菩薩爲同學、十方是一家、黃金爲大地、衆寶作網羅、白鶴與孔雀、衆鳥聲相和、衣食皆自然、不待求奔波、諸佛爲說法、諸天散天華、但樂無衆苦、但善無惡魔、自然不退轉、精進成佛陀、自身成佛後、再來度娑婆、西方極樂國、去去莫蹉跎。

念佛寶王偈

業淨成佛難、帶業往生易、所以念彌陀、佛法中第一。多生成佛難、當世往生易、所以念彌陀、佛法中第一。豎出三界難、橫超三界易、所以念彌陀、佛法中第一。自力成佛難、乘願往生易、所以念彌陀、佛法中第一。彌陀成佛難、念佛往生易、所以念彌陀、佛法中第一。千經萬呪難、一句彌陀易、所以念彌陀、佛法中第一。

附簡註

一 身口意三業清淨、唯佛一人。菩薩尙勤懺悔、何況凡夫。三業未淨、憑仗佛力往生西方、謂之帶業往生。

二 多生成佛、必歷三阿僧祇劫。求生西方、但深信切願力行、一生取

辦。

三 自力起修。由人而生欲界色界無色界諸天。而成出塵羅漢。謂之豎出。佛力接引。徑生西方極樂世界。謂之橫超。

四 自力豎出。易遭墮落。乘佛願船。往生西方。見佛聞法。得不退轉。直至成佛。

五 彌陀歷劫修行。成就佛道。莊嚴淨土。今承佛誓願。念佛名號。即得往生。難易判絕。

六 南無阿彌陀佛六字。圓攝一切法門。顓蒙可與知能。唯佛方能究了。佛法如寶。念佛往生法門。尤爲寶中之王也。

念佛不可思議頌

歸佛之心是佛。所歸之佛是心。南無阿彌陀佛。即生即佛。即心。一句易知。易念。無邊妙義。妙音。但能深信切願。頓時息妄歸真。佛力不可思議。四十人願宏深。持名不可思議。臨終佛現。攝心。願力不可思議。願者俱上善人。十方諸佛護念。釋尊苦口頻申。彌陀攝取不捨。智者何待沈吟。信即無上正覺。不信地獄之因。念到一心不亂。凡身即是法身。念念蓮華生長。時時極樂追尋。坐處無非寶座。行地即是黃金。未生專憶一土。生已偏入無垠。十方諸佛授記。十方菩薩爲鄰。隨類分身攝化。救度平等怨親。乃知一即無量。究竟不外一心。即禪即教。即律。即中。即俗。即真。超過法門無量。端緣六字威神。萬劫千生已矣。切勿錯過從今。

勸修西方淨土

十方調御同舒舌。讚歎彌陀聖道場。但耳供名成佛種。縱參下品勝天王。
一生頓越僧祇劫。九界齊登大法堂。鸚鵡入哥歸去也。那堪七尺眼如盲。
凡心卽佛性偈

相打與拜揖。同此一手作。相罵與讚歎。同此一口作。懶惰與勤勞。同此一身作。歡喜與瞋恚。同此一心作。善惡一轉移。凡聖分邱嶽。凡心卽佛性。蓋上無明殼。佛性卽凡心。祇要常磨琢。勿忘勿助長。不厭不倦卻。窮劫以爲心。何佛不可學。第一莫蹉跎。卽今生極樂。諸上善人俱。何處從聞惡。無量香光中。莊嚴成正覺。況茲念佛心。當念光昭灼。口誦佛音聲。身禮佛工作。未離四大軀。已向蓮華託。

寶王三昧頌 本唐飛錫大師寶王三昧論

寶王三昧。隨息念佛。以息出入。持佛名號。藉氣束心。無明潛沒。靈光迥然。心與佛會。可以息心。可以延壽。一息尙存。不容少息。迴向殷勤。決生樂國。

十念往生頌

彌陀大願。曾攝有情。臨終十念。咸許往生。如是大利。而不知寶。是日無福。是謂顛倒。願念佛人。量力施功。聞人千萬。十念爲宗。以十念始。以十念終。忙人十念。朝夕敬恭。見佛往生。與聞人同。我爲此頌。揭佛大慈。曾願佛子。往生蓮池。

觀經禪頌

淨土十六觀經。觀觀教人見性。觀境卽是觀心。觀相無非觀性。暫觀終日不忘。久觀數年在定。樂邦種種莊嚴。能於卽生取證。證時境相分明。不出自心圓鏡。十方寶剎塵塵。盡是鏡中現影。乃知背境論心。無異殺身延命。覺哉冥悟禪家。速出偏空大阱。

觀落日。想佛白毫相光。意本華嚴經。及觀無量壽佛經。

口念彌陀心作觀。穩如騎馬拄杖子。如鳥兩翅車兩輪。決登極樂三摩地。我生五十有三年。快觀落日於今始。想如見佛白毫光。入棱中空宛相似。紅黃白綠間復純。中央如銀復如水。一一寶色出寶光。映徹佛身無倫比。金身丈六聳雲霄。下有金蓮承玉趾。開目閉目皆見之。如是作觀觀成矣。一光卽見一切光。全身入萬四千毛孔。一一放光皆如是。普照十方念佛人。護念攝持如一子。行住坐臥四時中。此身與佛同棲止。捨報當生極樂邦。光中佛授菩提記。我亦舒光徧十方。曾與羣生修佛事。佛言奇哉。衆生本來無量光。卻被收將雲翳裏。一迷永劫何時已。請君撥雲觀落日。

讀覺明妙行菩薩示語

有生有病尋常事。愈早愈遲莫管他。肯捨娑婆歸極樂。區區皮殼愛將那。住世百年無悶惱。卽時撒手亦脩然。此生已訂金臺約。希取瑤池上品蓮。奇方妙訣無他秘。但辦心心憶佛名。我是未來三界寶。一聲聲自佛心生。觀十二因緣斷愛偈

十二因緣。愛爲大毒。是謂怨家。詐現親附。形影相依。死生追逐。因愛而親。

則遭其酷。愛卽無明。愛卽鬼獄。豔色刀山。淫聲湯鑊。蜜裏砒霜。錦裝蛇虺。慧眼了然。癡人不悟。隨五濁輪。斷西方路。我今覩破。莫來相辱。醜惡猙獰。是汝面目。由汝憂悲。由汝驚怖。由汝貪癡。由汝瞋怒。汝是魔王。最親眷屬。斬斷愛根。掙開愛桎。極樂莊嚴。寶光軒露。

阿彌陀經六方佛讚

三世不妄語。舌長過鼻尖。菩薩舌覆面。佛舌覆大千。以大慈悲者。說最誠實言。諸佛共護念。斯經豈偶然。經舉六方佛。實則該無邊。

甲子念佛會引

浮生如夢。幻世無常。家人親戚。歡好非長。繁華富貴。究竟空亡。鬼畜地獄。痛苦難當。阿彌陀佛。佛中之王。接引衆生。垂手放光。一生彼國。壽命無量。所有罪業。如日照霜。蓮華四色。寶樹成行。禽聲和雅。樓閣輝煌。極樂之福。與佛同享。天廚美味。與佛同嘗。譬如兒女。穩靠爹娘。菩薩羅漢。相聚一堂。自然成道。不煩不忙。茲當甲子。歲運光昌。合衆建立。平等道場。男女老幼。士農工商。奉勸念佛。同生西方。

雲灣佛光社成立祝詞

九界衆生。佛爲慈父。其光所被。十方佛土。曰難曰災。匪佛曷護。曰福曰祥。匪佛曷予。衆生無佛。歸依無所。天上天下。無如佛者。我祖蕭梁。揚佛之光。持齋戒殺。倡自帝王。臣庶化之。造福無疆。晉宋以來。比於成康。餘蔭八葉。迭相有唐。柱國避難。易蕭而江。世濟其美。事佛不忘。靈山巍巍。萬阜所瞻。

慕眞禪師此焉修潛。爲我卜葬。衍世縣縣。匪承佛力。曷邁斯緣。禮迦勸築。惟祖新原。眞松眞柏。實開其先。聽松繼之。化大行焉。有禪有淨。演爲薪傳。佛光不替。垂三百年。今社之成。於祖有光。光光相融。如月千江。非一非異。非得非亡。非新非舊。非斷非常。非多非寡。非隱非彰。始焉一念。積之一堂。始焉一族。積之十方。衆生無盡。我願無量。願同法界。迴向蓮邦。西方彌陀。垂手放光。

因果歌

春種一粒粟。秋收萬顆子。因少果報多。善惡皆如此。一句阿彌陀。福德尤無比。生時煩惱消。歸去蓮華裏。得福勝諸天。得壽不可紀。分身度十方。如月照千水。常隨菩薩遊。定到如來地。若人種惡因。地獄難饒你。餓鬼與畜生。難得人身矣。佛告諸凡夫。因果無虛理。

念佛自策呈諸道友

學佛既未能。佛學又不會。惟有念彌陀。求生極樂國。若復不加功。是蠢然一物。墮入苦漩渦。千生跳不出。

贈佛光社諸善人

三皈五戒六齋日。此是初機入道門。若願華開親見佛。兼修禪淨種深根。佛七圓滿爲諸友說偈

西方我淨土。彌陀我慈父。佛入一切心。佛在一切處。時時相接引。在在能遭遇。不怕佛不來。只怕我不去。

勸淨業道友兼持地藏本願經

常持地藏號，託想彌陀邦。審了閻浮苦，方知極樂長。遲迴墮地獄，精進往西方。菩薩一爲伴，塵勞那不忘。雖生下下品，猶勝諸天王。

勸病家念佛

千生病苦知何限，山積參苓海作湯。一藥頓除無量病，西方佛是大醫王。
生死輪迴。爲衆生大痛苦。非念佛求生阿彌陀佛國土。無由了脫。

唯心淨土自性彌陀偈

喫自性飯，住唯心屋。穿自性衣，行唯心路。喫自性飯，不是枵腹。粒粒之餐，無非辛苦。穿自性衣，不是裸露。縷縷之紗，無非勞碌。唯心之屋，不是野居。一椽一瓦，力困心劬。唯心之路，不是陵虛。一土一石，汗血所塗。飲食游息，不出心中。大地山河，無非性具。祖孫父子，自性家庭。十界四生，唯心眷屬。青青翠竹，自性枝柯。鬱鬱黃花，唯心開布。娑婆自性，信此不疑。極樂唯心，了然如故。蓮池丈六，自性彌陀。七寶莊嚴，唯心淨土。凡夫計心，方寸之府。其細如絲，其鉅如拇。區局執著，夢受衆苦。歷劫輪迴，不知其誤。不知此心，橫徹豎窮。十萬億刹，舉念斯通。不勞跬步，豈待從容。實無方所，假現西東。因緣離合，有滅有生。娑婆緣滅，極樂緣生。金臺千葉，積念而成。因緣成熟，有佛來迎。

陽復齋十年紀念偈

我憶十年前，滬居歲戊午。冬至一陽生，萬動之初祖。我以病苦緣，始秉佛

經讀意在忘參苓不在窮淵谷。當其入手時不與凡書伍。必潔必敬恭。端坐整衣武。儼如對佛前。妙相照心目。念我昔聰健。佛典與難知。今病不自勝。豈耐深思惟。一字付一讀。擬若蒙童時。能解自心會。不解姑聽之。以是得無礙。不復憂難疑。心意既寧定。精神日倍滋。乃知是藥王。不用求餘醫。我初所得經。實爲無量壽。阿彌陀如來。來爲我先導。如是優異法。萬劫難遇知。我昔何善根。信手得摩尼。四十八大願。願願皆深慈。蠕動與蜎飛。亦許生蓮池。而我豈無望。翻恨聞之遲。

善哉彭二林。爲我大知識。欲人信此經。燦爛舒文字。淨土妙法門。詮之無不至。因茲起信論。識餘大乘經。紛如帝網珠。光若室千燈。珠珠互映攝。燈燈相照明。一讀光燦爛。再讀光晶瑩。至三至四讀。光照無邊城。

修淨土不廢世事詩

色空園裏宜安步。誼寂堂中好賃居。尋定夜間歸宿處。卻來營業做工夫。

積念成佛偈

譬如人讀書。一徧至千徧。假使念念滅。千徧同一徧。一徧口艱辛。千徧口純熟。可知千徧中。徧徧不虛讀。譬如人作工。從少直到老。假使念念滅。老作還如少。少作工拙劣。老作工精靈。可知日日作。妙技非虛成。善惡等念耳。因積果不同。積惡雖無形。其勢日低落。積善雖無形。其勢日增崇。落極至地獄。刀山劍樹叢。增極至佛土。萬級蓮華宮。普賢十願王。願願同虛空。廣之濟十方。深之利無窮。善財窮劫力。不盡毛孔中。無量阿僧祇。積念成

神通。凡夫心力羸。佛教觀一面。念念向西方。七寶生光燄。念念憶洪名。累若摩尼串。十萬千百萬。所念無虛念。凡夫盲不知。佛眼了然見。念極功成時。樂土從心現。彌陀無量光。一念一切徧。一方既得生。十方隨所願。卽一而徧多。此是大方便。積念若無積。所積人不見。念佛本無念。無念應須念。持此盡未來。不厭復不倦。

讀楊仁山居士觀經略論

佛身卽自身。佛心卽自心。乃至菩薩緣覺聲聞。天人。修羅。畜生。餓鬼。地獄。九界依正報。一一皆爲自寫真。觀經十六觀。一一皆爲自傳神。如觀大圓鏡。自見面像非他人。如夢大海衆。自心所現非他心。誰爲此論。楊居士。字字應鑄閻浮金。昔人徙宅忘其妻。今人入世忘其身。忘身億劫覓不得。請憑此論來追尋。

阿彌陀經蓮池疏鈔頌

一心不亂

彌陀全經一語最要。一心不亂。是竅中竅。有事一心。有理一心。事一心者。念念佛號。念念西方。娑婆塵影。一切都忘。理一心者。唯是一心。十方一心。三世一心。衆生一心。諸佛一心。何人何我。何古何今。彼土此土。能念所念。種種差別。一併銷沈。此心常寂。此心常光。寂無量壽。光無量光。壽延永劫。光照十方。無所障礙。有何思量。如是念者。念佛中王。如大圓鏡。一塵不染。萬像齊彰。

理一心

剎那生滅皆緣影。歷劫眞常是本心。三世十方原一念。衆生諸佛亦徒云。

事一心

求生淨土至誠心。生卽無生住無住。心心六字泯塵緣。事一心時理亦具。

冬夜長有感

百年半昏夜。少愁老復慵。英壯時幾何。學宦太怱怱。矧復多坎坷。鬱遏青雲胸。咄哉過隙駒。寧假多雍容。千生續短夢。勞苦依然空。縱飛有頂天。不免泥犁弓。如何金翅王。戀此生死籠。三界不赦獄。這裏誰英雄。西方極樂尊。許我魚爲龍。舒光炯無量。得壽長無窮。浩瀚聲聞海。塵沙菩薩叢。胥來寄好音。期我蓮華宮。十方無上士。勸讚聲雷同。盍歸諸逝子。莫負黃金翁。到此卽聖域。不復憂沈淪。再來入世間。如月昭千洪。終當坐樹王。開發無邊曠。

安心訣

英雄眼淚。誰人知道。向無邊一哭。衆生顛倒。擎海滔滔。惟有彌陀垂手。從千生萬劫以來。而今知道。莫錯過此生。更尋煩惱。六字洪名。萬緣都掃。得見彌陀法門齊曉。我從今。把吾心安了。

發菩提心念佛求生淨土偈

佛是無量光。我心亦是無量光。佛是無量壽。我心亦是無量壽。佛心我心。衆生心。是三是一分還合。將此無量光壽心。還念無量光壽佛。一念念佛。

一念佛、念念念佛、念念念佛。念到臨終見佛時、西方佛卽心中佛、娑婆業障一齊消。極樂莊嚴從此出。此是真心顯現時、無邊光壽還同佛。分身無量度衆生、普願衆生同作佛。

六字道人歌

六字道人何人乎、十方三世空中花。行住坐臥無他念、但念南無阿彌陀。經史雜家亦博涉、掩卷息心一字無。塵勞煩惱亦無盡、舉足下足一事無。放下千般萬般念、惟此一念常追慕。從朝至暮今至老、乃至永劫無他圖。神棲極樂身泥塗、月在長空影在湖。當來佛寶今凡夫、六字道人何人乎。夢裏還鄉路遠勞多、醒時安然枕席閒也。乃知淨土之生、不出此寂然不動之真心。假有東西、實無來去。

夢裏還鄉覺路長、醒來元自在家鄉。西方有願勞翹跂、到後方知夢裏忙。臨終願見彌陀佛、已住光明極樂城。自是不歸歸便得、故鄉風月有誰爭。十萬億程非遠近、元來心量裏虛空。自心要見心中佛、只在歸真一念功。

念佛喻

山泉涓滴流、終歲不肯止。問其何所爲、將往成東海。今此念佛人、念念亦如是。一生極樂邦、遂游諸佛海。今此念妄人、念念亦如是。一爲業累牽、遂入輪回海。勿言涓滴微、來自汪洋海。勿言一念微、起自圓覺海。其來故無邊、其去亦無量。淨穢但異因、生佛遂殊相。去來淨穢觀、如夢如幻妄。本來無去來、不動真如相。

讚淨土詩三十首

法王有法覺大夢、三界由來火宅中。不著劫燒唯佛土、最優方便數蓮宗。

夢。讀如門。

彌陀一句妙難思、治國齊家一貫之。出世法中成世法、不須復道致良知。

未句用彭紹升語。從今後不須復道致良知。只南無阿彌陀佛六字。便是致良知。

彌陀一句妙難思、坐臥行居一貫之。一月萬川隨在現、金容到處炳威儀。

彌陀一句妙難思、鈍慧賢愚一貫之。念到此心纖滓盡、萬華齊茁寶蓮池。

彌陀一句妙難思、苦樂安危一貫之。不爲革囊垂兩淚、舒光無量壽無涯。

廣韻。涯。讀如宜。

彌陀一句妙難思、萬別千差一貫之。融卻佛生人我相、金剛無壞體巍巍。

彌陀一句妙難思、儒釋宗傳一貫之。堯舜丁寧十六字、一心三觀印何疑。

精一中心傳。即空假中三觀。爲諸佛心印。一卽空。精卽假。雙照卽中。一念念佛。具足三觀。

彌陀一句妙難思、極樂娑婆一貫之。不待華開方見佛、卽今已是往生時。

彌陀一句妙難思、盡未來時一貫之。一念萬年常不動、豎窮橫徧更無虧。

彌陀一句妙難思、情與無情一貫之。寶樹靈禽皆佛化、水晶宮殿飾琉璃。

彌陀一句妙難思、在家出家一貫之。不離眷屬天倫會、不著貪瞋愛慢癡。

彌陀一句妙難思、處約居豐一貫之。天味寶衣隨念至、眼前蔬布也光熹。

彌陀一句妙難思、陋巷榮觀一貫之。七寶金珠成世界、人間豪貴盡貧兒。

彌陀一句妙難思、寂守羣棲一貫之。諸上善人爲伴侶、頓忘單影寄茅茨。

彌陀一句妙難思，都市山林一貫之。一顆清珠投濁水，自然禪定息紛馳。
彌陀一句妙難思，地獄天宮一貫之。三界同居不救獄，不緣寶手怎能離。
彌陀一句妙難思，萬行莊嚴一貫之。十大願王歸極樂，華嚴海衆共心期。
彌陀一句妙難思，一土多方一貫之。萬億塵沙諸佛國，清朝食頃供無遺。
彌陀一句妙難思，三世十方一貫之。諸佛廣長誠實舌，盡教九界念阿彌。
彌陀一句妙難思，咫尺天涯一貫之。落日西西萬億刹，祥光杲杲照鬚眉。
彌陀一句妙難思，少壯高年一貫之。隨念欣然隨願得，一般香飯味千差。
差。讀如癡。

彌陀一句妙難思，動靜閒忙一貫之。昔有鐵工勤念佛，鐵錘聲與佛聲隨。
彌陀一句妙難思，果海因源一貫之。全心念佛全心佛，決是當來大導師。
彌陀一句妙難思，惟敬惟誠一貫之。慈母憶兒兒憶母，天親從此不相違。
彌陀一句妙難思，信願行三一貫之。碎盡須彌枯盡海，此心堅的不能移。
彌陀一句妙難思，秋月春花一貫之。脫卻盈虛生滅相，寶花珠月沒凋時。
彌陀一句妙難思，灼暑威寒一貫之。光裏經行花裏定，不鑪不簋自熙怡。
彌陀一句妙難思，隱顯行藏一貫之。無價摩尼能雨寶，隨緣利衆應機施。
彌陀一句妙難思，萬呪千經一貫之。十二部分經律論，攝歸六字最淵微。
彌陀一句妙難思，竟劫宣揚不盡之。修得幾生聞此法，從今一蹴到蓮池。

陽復齋紀念日祝辭

弟子江謙始聞佛法，歲在戊午，節當冬至。一陽初復，萬物始生。陽復名齋。